



Biilimik innaallagiatortumik pisisimaguit aamma immerniarlugu ussarnartorsiornarsinnaavoq biilip innaallagiatortup ajornartoornermi immiissutaanik – aammattaaq taanneqartartoq mormorladeren (aanaap immiissutaa) – ikkuffimmut qaninnerpaamut ikkuteriarlugu taanna atorlugu imissallugu. Tamanna isumassarsiaavoq ajorluinnartoq aamma tamatiguunngitsoq innaallagissap tamanna naammassisinnaavaa.

Sooruna mormorladerimik (aanaap immiissutaanik) taanneqartartoq?

Taaguutaanut pissutaavoq mormorladerip kabeliata imatut atorneqarnissaa eqqarsaatigine-qarmat plugin-hybridip imaluunniit biilip innaallagiatortup aanaamut pulaarnerup nalaani atorlugu immiissutaasinnaanera.

Eqqortumik taaguutaa tassaavoq ajornartoornermi imaluunniit pulaarnermi immiissut.

Mormor peerneqassaaq !!!

Naak kaagiaqqat aamma kaffi kaffiliorfimmiittoq tipigikkaluqisut mamarunarlutillu, taamaakkaluartoq taava mormor nuannerpallaanngilaq biilimik innaallagiatortunik immiinermut atussallugu. Immiineq imaattoq “mode 2-opladning” taamaallaat ajornartoornermi immiissutissatut naatsorsuutaavoq, tassunga atorneqassaaq “mormorladekabel” taannalu innaallagissap ikkuffianut nalinginnaasumut 230 V-mut ikkunneqassaaq.

Ikkuffiup sakkortussuseq 6 A-mik annertunerusoq piffissami sivilunerusumi nammassinnaanngilaa, tamatumalu kingunerisinnaavaa innaallagissamut ikkuffinnik aattoorneq ajornerpaamillu ikuallattoorneq.

Biilimik innaallagiatortumik imaluunniit plugin-hybridimik ajornartoornermi immiissut atorlugu innaallagissap ikkuffia nalinginnaasoq aqqutigalugu nalunaaquttap akunnerinik marlunnik sivilunerussanngilaq, sarfaq 6 amperit sinnerlugit sakkortussusilik immiissutigigaanni.

Tamatuma sanitigut qulakkiissavat ikkuffimmut ikkutassaaq aamma ikkuffiup imminnut naleqqunnerat.



Sumi biilivit innaallagiatortup immernissaa pinngitsoorniassaviuk?

Innaallagissamut ikkussorneqarsimasooq tamatuminnaga ilinniagaqarsimasumik biilimik innaallagiatortunik immiissutigissallugu akuerineqarsimanngippat, taava immiinissat imaluunniit allanik immiisitsinissat pinngitsoorniassavat.

Tamatumani ingammik pineqarput illup iluani innaallagissamut ikkuffiit nalinginnaasut. Imaanngilarmi illit ilisimagit ledningit qanoq katiterneqarsimasut, kabelit qanoq silitsiginersut imaluunniit innaallagiatortut allat tassunga sikringeqarfimmut attaveqarnersut.

Illit illumik attartortitsiguit aammattaaq pingaaruteqarpoq attartortitannut ilisimatitsissutiginnissat, innaallagissap ikkussorneqarsimanera imatut suliaasimanngitsoq biilinnut innaallagiatortunut imaluunniit hybridinnut immiinermut atorneqartussanngorlugu.

Ajornartoornermi biili innaallagiatortoq qanoq immersinnaaviuk?

Ajornartoornermi biili innaallagiatortoq piffissami sivikitsumi sarfamik sakkukitsumik immersinnaavat. Ajornartoornermi immiissut imaluunniit biili taamaallaat 6 amperimik immertussanngorlugu inissiguk, kiisalu sapinngisamik sivikinnerpaamik immiillutit. Tamanna nalunaaquttap akunneranik sivikinnerusumik pissaaq, taamaalilluni biili innaallagiatortoq biilinnut innaallagiatortunut immiisarfvimmut apuussinnaassaaq.

Plugin-hybridimik peqaruit taava ajornartoornermi immiissanngilatit akerlianik nuannaarutigissavat, biili marloqiusamik ingerlassuteqarmat tassa benzinamik imaluunniit diselimik innaallagissamut taarsiullugu.

Taamaattorli illit angerlarsimaffinni allanut ajornartoornermi immiissut atortissinnaavat, tassa imaappat innaallagiasq qanoq ikkussorneqarsimasooq ilisimagukku. Tassa imaappoq elinstallatørimik akuersissummik pigisaqartumik illit angerlarsimaffinni innaallagissamut ikkuffimmik biilinnut innaallagiatortunut immiissutaasinnaasumik akuersissuteqarsimappat.

Tassani sikringilerfik immikkoortoq pigineqassaaq sarfamik ajortumik nammineerluni qamitsisinnaasooq aamma kabelit naammattumik silissuseqartut ikkunneqarsimassapput, taakkua innaallagissamut tavlemat suliffissuarni innaallagissap ikkuffianut ingerlatinneqarsimassapput. Tassani pingaaruteqarpoq inatsisinik unioqqutitsinnginnissaaq ledningi ilassutaasooq (forlængerledning) imaluunniit kabeltromle atorneqassanngillat, kiisalu innaallagissamut ikkuffik sivisuumik atorneqarsinnaasutut naatsorsuussaassaaq. Innaallagissamut ikkuffiit nalinginnaasut biilimik innaallagiatortumik immiinermi kissatsikkartortarneq akiorsinnaanngilaat.

Innaallagissiornermut Oqartussat qanoq biilimik innaallagiatortumik immiisoqarnissaanut inassuteqaateqarpat?

Uagutsinnik inassuteqaatigineqarpoq immiissummik boksimik uninngasumik pissarsinissat, taannalu innaallagisserisooq akuersissummik pigisaqartumut ikkussuutsissavat. Taamaaliornikkut qulakkiissavat immiinerup isumannaatsuunissaa aamma ajortoornissamut aarlerinaatillit annikillisillugit.

Immiisarfirmik boksimik aaqqiinnissaaq perusunnigikkukku, taava minnerpaamik qulakkeertariaqarpat illumi innaallagissap isumannaatsumik sarfamik pilersuisinnaanissaa, tassani ikkunneqassaaq sarfamik kukkusumik qamitsisartoq (RCD) type A imaluunniit B, sikringeqarfimmut immikkoortumut ikkunneqarsimasooq imaluunniit kombineret relæ taaneqartartoq (RCBO) illup innaallagiasqarfianut (tavle) ikkunneqarsimassaaq tassunga ilanngullugit CEE-ikkuffik (tungujortoq imaluunniit aappaluttoq).

Manna tikillugu Nunatsinni “suli” mormorladeri atorlugu immiinermut attuumassuteqartumik annertuumik ajutoornermik nalaassinngilagut, kisianni biilit innaallagissamik immerneqarsinnaasut amerliartortillugit taamatuttaaq annertuumik ajutoortoqarsinnaaneranut aarlerinaateqartut annertusiartuinnassapput, soorunami uagut tamanna pinngitsoorusupparput.

